



Број/Број: **02/2-50-1-23-32/09**
Сарајево/Sarajevo, 30.9.2009.

ZAPISNIK

32. sjednice Komisije za vanjsku i trgovinsku politiku, carine, saobraćaj i komunikacije

Doma naroda

Parlamentarne skupštine Bosne i Hercegovine, održane 24.9.2009. godine

Sjednicu Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH (u daljnjem tekstu: Komisija) sazvala je predsjedavajuća Komisije Alma Čolo.

Sjednici Komisije su, u svojstvu članova, prisustvovali: Alma Čolo, Adem Ibrahimpašić, Božo Ljubić i Slobodan Šaraba, te Nenad Pandurević, sekretar, i Dobrinka Savić, stručni saradnik u Komisiji. Odsustvo su opravdali Dušanka Majkić i Branko Zrno.

Sjednici su, u svojstvu predlagača i izvjestilaca, prisustvovali: Midhat Salić, šef odsjeka, i Enes Šeperović, stručni saradnik u Ministarstvu vanjske trgovine i ekonomskih odnosa BiH, Snežana Hadžić, stručni saradnik u Ministarstvu komunikacija i prometa BiH, Vera Letica i Miroljub Krunic, pomoćnici ministra finansija i trezora BiH, Sead Avdić, savjetnik u Ministarstvu vanjskih poslova BiH, Igor Petković, savjetnik zamjenika predsjedavajućeg Doma naroda Dušanke Majkić i Medina Delalić, viši stručni saradnik u Sektoru za odnose s javnošću u PSBiH.

Sjednica Komisije počela je u 12 sati.

Nakon što je konstatirala da postoji kvorum, predsjedavajuća Komisije Alma Čolo predložila je sljedeći

DNEVNI RED

1. Usvajanje Zapisnika 31. sjednice Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH;
2. Davanje saglasnosti za ratifikaciju Sporazuma o privilegijama i imunitetima Međunarodne agencije za atomsku energiju;
3. Davanje saglasnosti za ratifikaciju Protokola o izmjeni i dopuni Ugovora o slobodnoj trgovini između Bosne i Hercegovine i Republike Turske;
4. Davanje saglasnosti za ratifikaciju Protokola između Bosne i Hercegovine i Češke Republike o amandmanima na Sporazum između Bosne i Hercegovine i Češke Republike o unapređenju i zaštiti ulaganja;
5. Davanje saglasnosti za ratifikaciju Protokola o sprečavanju zagađenja voda prouzrokovanog plovidbom, uz Okvirni sporazum za sliv rijeke Save;
6. Davanje saglasnosti za ratifikaciju Sporazuma između Vijeća ministara BiH i Vlade Savezne Republike Njemačke o finansijskoj saradnji u 2007. godini;
7. Davanje saglasnosti za ratifikaciju Sporazuma o finansiranju između Bosne i Hercegovine i Komisije Evropskih zajednica o programu finansiranja učešća Bosne i Hercegovine u ERDF-ovim evropskim programima međunarodne teritorijalne saradnje “Jugoistočna Evropa” i “Mediteran” na osnovu instrumenata za pretpristupnu pomoć (IPA), komponenta prekogranične saradnje za 2008. godinu;
8. Davanje saglasnosti za ratifikaciju Sporazuma o finansiranju između Bosne i Hercegovine i Međunarodne asocijacije za razvoj (IDA) - Drugi projekat upravljanja čvrstim otpadom;
9. Davanje saglasnosti za ratifikaciju Sporazuma o zajmu između Bosne i Hercegovine i Međunarodne banke za obnovu i razvoj - Drugi projekat upravljanja čvrstim otpadom;
10. Tekuća pitanja:
 - Upoznavanje s dopisom Ministarstva vanjskih poslova BiH u vezi s prethodno dostavljenom Informacijom o stanju i razvoju DKP mreže BiH;
 - Zabilješka sa zajedničkog sastanka Komisije za vanjske poslove Predstavničkog doma Parlamentarne skupštine BiH i Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH s novoimenovanim generalnim konzulom u Minhenu, Njemačka, gosp. Veljkom Obrenovićem.

Predloženi dnevni red usvojen je jednoglasno.

Ad.1. Usvajanje Zapisnika 31. sjednice Komisije

Zapisnik 31. sjednice Komisije usvojen je jednoglasno.

Ad.2. Davanje saglasnosti za ratifikaciju Sporazuma o privilegijama i imunitetima Međunarodne agencije za atomsku energiju

Predsjedavajuća Komisije Alma Čolo naglasila je da je ovaj sporazum u nadležnosti Ministarstva vanjskih poslova BiH te da je dobio saglasnost na 60. sjednici Predstavničkog doma PSBiH, održanoj 16.9.2009. Konstatirala je da je prisutan predstavnik nadležnog ministarstva i predložila da se uključi u raspravu ukoliko članovi Komisije budu imali pitanja.

Nakon što nije bilo pitanja, članovi Komisije jednoglasno su odlučili predložiti Domu naroda davanje saglasnosti za ratifikaciju Sporazuma o privilegijama i imunitetima Međunarodne agencije za atomsku energiju.

Ad.3. Davanje saglasnosti za ratifikaciju Protokola o izmjeni i dopuni Ugovora o slobodnoj trgovini između Bosne i Hercegovine i Republike Turske

Predsjedavajuća Komisije je na početku podsjetila da je Predstavnički dom PS BiH dao saglasnost za ratificiranje ovog Protokola na 60. sjednici održanoj 16.09.2009. godine, te pozvala predstavnika nadležnog ministarstva da članovima Komisije pruži kratko uvodno obrazloženje.

Predstavnik nadležnog ministarstva Midhat Salić, šef Odsjeka za bilateralne i trgovinske odnose u Ministarstvu vanjske trgovine i ekonomskih odnosa BiH, dao je uvodno obrazloženje. Istakao je da je Ugovor o slobodnoj trgovini između Bosne i Hercegovine i Republike Turske potpisan 2002., a stupio je na snagu 2003.godine. Ovim protokolom predviđeno je ukidanje svih postojećih dažbina na određene industrijske i poljoprivredne proizvode porijeklom iz Bosne i Hercegovine. Naglasio je da je Protokol jako povoljan za BiH i da je prošao sve zakonske procedure, te da je preporuka nadležnog ministarstva davanje saglasnosti za ratifikaciju.

Nakon izlaganja predstavnika nadležnog ministarstva, članovi Komisije jednoglasno su odlučili predložiti Domu naroda davanje saglasnosti za ratifikaciju Protokola o izmjeni i dopuni Ugovora o slobodnoj trgovini između Bosne i Hercegovine i Republike Turske.

Ad.4. Davanje saglasnosti za ratifikaciju Protokola između Bosne i Hercegovine i Češke Republike o amandmanima na Sporazum između Bosne i Hercegovine i Češke Republike o unapređenju i zaštiti ulaganja

Predsjedavajuća Komisije je naglasila da je Predstavnički dom PS BiH, također, dao saglasnost za ratificiranje ovog Protokola na 60. sjednici održanoj 16.09.2009. te pozvala predstavnika nadležnog ministarstva da članovima Komisije pruži kratko uvodno obrazloženje.

Midhat Salić je, kao predstavnik nadležnog ministarstva, dao uvodno obrazloženje i za ovaj protokol. Naglasio je da je Protokol potpisan 2002. godine. S obzirom da je Češka Republika postala članica Evropske unije, te da sada ima obavezu usklađivanja postojećeg zakonodavstva sa zakonodavstvom Evropske unije, obratila se zahtjevom Bosni i Hercegovini za izmjene postojećeg sporazuma. Bosna i Hercegovina i Češka Republika usaglasile su se o pitanju izmjena i dopuna Sporazuma o unapređenju i zaštiti ulaganja te je predmetni protokol, 5. januara 2009., potpisao Mladen Zirojević, ministar vanjske trgovine i ekonomskih odnosa BiH.

Nakon izlaganja predstavnika nadležnog ministarstva, članovi Komisije jednoglasno su odlučili predložiti Domu naroda davanje saglasnosti za ratifikaciju Protokola između Bosne i Hercegovine i Češke Republike o amandmanima na Sporazum između Bosne i Hercegovine i Češke Republike o unapređenju i zaštiti ulaganja.

Ad.5. Davanje saglasnosti za ratifikaciju Protokola o sprečavanju zagađenja voda prouzrokovanih plovidbom, uz Okvirni sporazum za sliv rijeke Save

Nakon kratke najave u kojoj podsjetila da je Predstavnički dom već dao saglasnost za ratificiranje, također na 60. sjednici, 16.09.2009. godine, predsjedavajuća je pozvala predstavnika nadležnog ministarstva da pruži kratko uvodno obrazloženje.

Uvodno obrazloženje za Protokol o sprečavanju zagađenja voda prouzrokovanih plovidbom, uz Okvirni sporazum za sliv rijeke Save, dala je Snežana Hadžić, stručni saradnik u Ministarstvu komunikacija i prometa BiH. Rekla je da je zaključivanje ovog protokola u

skladu s Okvirnim sporazumom o slivu rijeke Save kojim je utvrđeno sklapanje Protokola između Bosne i Hercegovine, Republike Hrvatske i Republike Slovenije radi reguliranja sprečavanja zagađenja voda usljed plovidbe. Nacrt protokola utvrdila je Međunarodna komisija za sliv rijeke Save. Naglasila je da je tekst ovog protokola urađen u okviru rada stalnih ekspertskih grupa Savske komisije u čijem radu su učestvovali i predstavnici Ministarstva komunikacija i transporta BiH, Ministarstva vanjske trgovine i ekonomskih odnosa BiH i Ministarstva vanjskih poslova BiH. Dodala je da je tekst Protokola usaglašen sa svim nadležnim institucijama.

Nakon izlaganja predstavnice nadležnog ministarstva, članovi Komisije jednoglasno su odlučili predložiti Domu naroda davanje saglasnosti za ratifikaciju Protokola o sprečavanju zagađenja voda prouzrokovano plovidbom, uz Okvirni sporazum za sliv rijeke Save

- Ad.6. Davanje saglasnosti za ratifikaciju Sporazuma između Vijeća ministara BiH i Vlade Savezne Republike Njemačke o finansijskoj saradnji u 2007. godini**
- Ad.7. Davanje saglasnosti za ratifikaciju Sporazuma o finansiranju između Bosne i Hercegovine i Komisije Evropskih zajednica o programu finansiranja učešća Bosne i Hercegovine u ERDF-ovim evropskim programima međunarodne teritorijalne saradnje “Jugoistiočna Evropa” i “Mediteran” na osnovu instrumenta pretprijetne pomoći (IPA), komponenta prekogranične saradnje za 2008. godinu**
- Ad.8. Davanje saglasnosti za ratifikaciju Sporazuma o finansiranju između Bosne i Hercegovine i Međunarodne asocijacije za razvoj (IDA) - Drugi projekat upravljanja čvrstim otpadom**
- Ad.9. Davanje saglasnosti za ratifikaciju Sporazuma o zajmu između Bosne i Hercegovine i Međunarodne banke za obnovu i razvoj - Drugi projekat upravljanja čvrstim otpadom.**

Predsjedavajuća Komisije predložila je da se sporazumi od tačke 6. do tačke 9 dnevnog reda razmatraju zajedno s obzirom da su svi u nadležnosti Ministarstva finansija i trezora BiH. Prijedlog je jednoglasno prihvaćen. Dodala je da Predstavnički dom još nije razmatrao ove sporazume ali je to predviđeno za narednu sjednicu Predstavničkog doma, 30.09.2009.

Obrazloženje za tri sporazuma, pod tačkom 6. te tač. 8. i 9. dnevnog reda, dao je Miroljub Krunić, pomoćnik ministra finansija i trezora BiH. Naglasio je da je za sva tri sporazuma u potpunosti provedena zakonska procedura, da su usaglašeni sa svim potrebnim institucijama, te predložio da Komisija uputi Domu naroda na davanje saglasnosti za ratifikaciju sva tri dokumenta.

Obrazloženje za Sporazum o zajmu pod tačkom 7. dnevnog reda dala je Vera Letica, pomoćnica ministra finansija i trezora BiH. Rekla je da se radi o finansijskom sporazumu između BiH i Evropske komisije. Naglasila je da se ovi Sporazumi potpisuju godišnje i da predstavljaju početak učešća naše zemlje u transnacionalnim programima.

Nakon izlaganja predstavnika nadležnog ministarstva, članovi Komisije jednoglasno su odlučili predložiti Domu naroda davanje saglasnosti za ratifikaciju:

- *Sporazuma između Vijeća ministara BiH i Vlade Savezne Republike Njemačke o finansijskoj saradnji u 2007. godini;*
- *Sporazuma o finansiranju između Bosne i Hercegovine i Komisije Evropskih zajednica o programu finansiranja učešća Bosne i Hercegovine u ERDF-ovim evropskim programima međunarodne teritorijalne saradnje “Jugoistočna Evropa” i “Mediterran” na osnovu instrumenata za prepristupnu pomoć (IPA), komponenta prekogranične saradnje za 2008. godinu;*
- *Sporazuma o finansiranju između Bosne i Hercegovine i Međunarodne asocijacije za razvoj (IDA) - Drugi projekat upravljanja čvrstim otpadom,*
- *Sporazuma o zajmu između Bosne i Hercegovine i Međunarodne banke za obnovu i razvoj Drugi projekat upravljanja čvrstim otpadom.*

Ad.10. Tekuća pitanja:

- **Upoznavanje s dopisom Ministarstva vanjskih poslova BiH u vezi s prethodno dostavljenom Informacijom o stanju i razvoju DKP mreže BiH;**
- **Zabilješka sa zajedničkog sastanka Komisije za vanjske poslove Predstavničkog doma Parlamentarne skupštine BiH i Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH s novoimenovanim generalnim konzulom u Minhenu, Njemačka, gosp. Veljkom Obrenovićem.**

Predsjedavajuća Komisije podsjetila je da je Ministarstvo vanjskih poslova BiH uputilo dopis u kojem je napomenulo da je Ministarstvo povuklo dio iz Informacije o stanju i razvoju DKP mreže BiH pod nazivom Analiza racionalizacije DKP mreže, s obrazloženjem da je ta problematika u nadležnosti Predsjedništva BiH. Shodno tome u ovom dopisu Ministarstvo konstatira da je “odgovorilo obavezama koje proističu iz obrade ove bitne informacije za vođenje vanjske politike BiH”, te da informaciju o racionalizaciji DKP mreže treba da uradi i dostavi Predsjedništvo BiH. Dalje se zahvalila na prisustvu Seadu Avdiću, predstavniku Ministarstva vanjskih poslova BiH, i predložila da se dopis Ministarstva prihvati.

Nije bilo rasprave, a članovi Komisije jednoglasno su primili k znanju dopis Ministarstva vanjskih poslova BiH i Zabilješku sa zajedničkog sastanka s novoimenovanim generalnim konzulom.

Sjednica Komisije završena je u 12.40 sati.

Sekretar Komisije
za vanjsku i trgovinsku politiku,
carine, saobraćaj i komunikacije
Nenad Pandurević

Predsjedavajuća Komisije
za vanjsku i trgovinsku politiku,
carine, saobraćaj i komunikacije
Alma Čolo